

傷寒補天石

四

續傷寒補天石卷下

心悸

悸動原來有九症臍下奔豚桂棗苓
動悸小柴和胃府水乘心悸伏苓行

誤大青身動動古
來真武應如神

心悸者築築然怔忡不能自安是也有氣虛有停飲
氣虛者陽氣內弱心中空虛而爲悸又自汗下後正
氣虛而亦悸與氣虛而悸又甚皆須先治其氣也停
飲者飲水過多水停心下心火惡水不能自安雖有
餘邪必先治悸與水也如小便利而悸者伏苓桂枝

白木湯小便少者必裏急猪苓湯

猪澤滑
伏膠

傷寒二二三

日心中悸而煩小建中湯

桂枝赤芍
棗餈糊

經云先煩而悸

者此爲熱先悸而煩者此爲虛故宜小建中湯太陽

發汗過多其人叉手自冒心下悸欲得按者桂枝甘

草湯

二味用甘
瀾水煎服

桂枝之辛走肺而益氣甘草之甘入

脾而緩中發汗後其人臍下悸欲作奔豚伏苓桂枝

大棗甘草湯

伏苓能伐腎邪桂枝能泄奔豚甘草大
棗之甘滋助脾土以平腎氣煎用甘瀾

水者揚之無力
取不助腎邪也

陽明心下悸小便不利心煩喜嘔小

柴胡加豬苓湯少陽耳聾目赤胸滿而煩妄加吐下

則悸而驚小建中湯

桂枝赤芍棗錫糖

有熱小柴胡湯

柴芍枳半夏

人參甘草

少陰四逆湯

附子草乾姜

其人或悸四逆散

柴芍枳實與甘

草加桂枝心下有水氣厥而悸當先治水伏苓甘草

湯

伏苓桂枝甘草生姜

不然水入胃中必作利也

驚惕

驚惕者心中惕然而驚也火劫驚惕救逆湯

桂枝湯中土芍

藥加蜀漆龍骨牡蠣名救逆湯

下後煩驚柴胡龍骨牡蠣湯

柴半龍骨參鉛

黃芩湯

蠟大黃桂

少陰吐下而生驚惕炙甘草湯

生地桂枝甘草參阿

膠麥冬

麻子仁

大抵傷寒汗吐下後虛極之人或因事驚恐

遂生驚惕者宜安神養心血之劑

心下滿

心下滿者當心下高起滿鞭是也不經下後而滿者
治有吐下之分若下後心滿者症有結胸痞氣之別
發熱者小柴胡治之汨汨有聲而濡者停水也
五苓散

桂枝白朮
烏豬苓

主之按之鞭痛者宿食也輕則消

導重則承氣下之寒在胸中心下滿而為飢不能食
瓜蒂散吐之陽明病心下滿鞭者不可下下之利不
止者死脉浮大有力心下鞭有燥渴譫語大便實者
此屬臍病宜攻之大抵心下滿胸中滿腹中滿俱不
可用甘甜之物蓋甘能補氣填實也外用姜擦法生
去汁取渣炒熟緝包熨以愈為度惟熱結不可炒熟
餘結胸痞氣皆可用此法按止言食滯屎在臍故
可下若食在胃口未
入于胃則不可下也

胸脇滿

黃真寒補天百卷下

胸脇滿者謂表邪傳裏必先胸以至心腹入胃是以

胸滿多帶表症宜微汗脇滿多帶半表半裏症小柴

胡湯和之

凡治痞滿俱用柴胡桔梗湯

柴胡半夏甘草苓只

壳桔梗瓜萸仁

如未效者合小陷胸一服如神蓋枳壳瀉至

高之氣枳實瀉至低之氣故心之上胸之分枳壳瀉
之心之下胃之分枳實瀉之瓜萸仁瀉肺洗滌胸中
痰垢之要藥故胸滿而煩者加之

結胸痞氣

結胸痞氣者謂太陽自汗當服桂枝湯

桂枝赤芍
姜棗甘而

悞下之邪氣乘虛結于心下滿而硬痛者此爲結胸

太陽無汗當服麻黃湯

麻黃桂枝
杏仁甘草

而悞下之邪氣乘

虛結于心下但滿而不痛者此爲痞氣凡結胸從心

下至小腹鞭滿而痛手不可近者爲大結胸大陷胸

湯

甘遂芒硝
與大黃

止在心下按之方痛者爲小結胸小陷

胸湯

黃連半夏
瓜蒌仁

冷水噀灌熱不得去煩滿無熱症者

爲寒結胸三物白散

貝吉三分
芭豆二分

或只實理中湯

人參

白木草乾姜
加只實主之

心下怔忡頭微汗出但結胸無大熱者

為水結胸伏苓半夏湯

伏苓半夏陳朴姜加
加腹皮梗木通蒼木

吐衄血

不盡蓄在上焦漱水不欲嚥胸滿硬痛者為血結胸

犀角地黃湯

犀角生地
芍丹皮

發熱微惡寒支節煩疼心下

支結外症未去者為支結柴胡桂枝湯

柴胡半夏人
參甘桂枝芍

藥姜
棗煎

若胸脇滿而微結者為微結柴胡姜桂湯

柴胡
甘草

天花粉桂枝
牡蠣乾姜增

又有作酸惡食胸滿硬痛者為食結輕

則消導重則承氣喘渴咳嗽胸脇滿痰痛者為痰結

加味二陳湯

茯苓半夏甘草橘紅
杏連吉梗瓜蒌同

若心下脹滿不痛爲

痞氣瀉心湯

半夏黃芩乾姜參
黃連甘草一同增

經曰按之痛寸脈浮

關脈沉名曰結胸凡結胸脈浮大者猶帶表症當吐

之未可下也下之者死結胸症悉其煩躁者亦死若

兼斑黃狂亂呃忒及脈微細沉小手足逆冷者死

凡心下鞭按之痛閉脈沉者實熱也心下痞按之濡

關脈浮者虛熱也大黃黃連瀉心湯心下痞惡寒者

表未解也表解乃可攻痞解表桂枝湯

桂枝芍芍
姜棗甘攻

痞大黃黃連瀉心湯心下痞而復惡寒汗出者虛熱

內伏陽氣外虛也附子瀉心湯

附子大黃黃芩黃連

協熱利不

止心下痞鞭表裏不解者桂枝人參湯

桂枝人參甘木姜

表

未解者辛以散之裏不足者甘以緩之此以裏氣大

虛表裏不解故加桂枝甘草于理中湯也汗出胃虛

客氣上逆心下痞鞭乾嘔食臭腸下有水氣腹中雷

鳴下利者生姜瀉心湯

生姜甘參芩連棗

下後胃虛客氣上

逆下利日數十行穀不化腹中雷鳴心下痞鞭乾嘔

心煩者甘草瀉心湯

甘草連牛棗乾姜

汗後胃虛是外傷陽

氣故加生姜下後胃虛是內傷陰氣故加甘草心下

痞鞭噫氣不除者旋復代赭湯

旋復人參甘草姜半夏大棗代赭

苦

覆之鹹以奕痞鞭代赭之重以鎮虛逆生姜半夏之

辛以散虛痞人參甘草大棗之甘以補胃弱痞不解

燥渴小便不利者五苓散心中痞鞭吐嘔下利者大

柴胡湯

芍半柴芩實大黃

胸中痞硬氣上衝咽嗑不得息者

此胃有寒也宜吐之瓜蒂散若不因下而為滿者表

邪傳至胸中未入乎腑症雖滿悶尚爲在表正屬少陽部分只宜小柴胡加枳桔以除其悶若未效宜小陷胸湯

黃連半夏瓜蒌仁

一服如神

凡治結胸先理其氣

用只桔以寬之隨用姜渣擦之最效

胸中冷結厥第六

胸中冷結厥者謂手足冷脉仁緊心下滿而煩飢不能食者此病在胸中宜吐之寸脉微浮或伏胸中病鞭氣上沖咽喉不得息此胸中有寒宜吐之又有痰

實結胸亦宜吐之並用瓜蒂散

發熱懊懣

懊懣者鬱悶不舒之貌蓋表症誤下正氣內虛陽邪

內陷手心胸之間重則爲結胸也大抵邪結胸中宜

吐邪結胃膈宜下發汗吐下後虛煩不得眠若刺者

必反覆顛倒心中懊懣與夫下後煩熱胸中窒者下

後身熱不去心中結胸者並用梔子豉湯三味苦寒

苦以湧吐寒以勝熱少氣者加甘草以益氣嘔者加

生薑以散氣下後心煩腹滿臥不安者梔子厚朴

湯

梔子厚朴只實

九藥下之身熱不去微煩者梔子乾姜湯

陽明下後懊憹而胃中有燥屎承氣湯下之陽明無

汗小便不利心中懊憹必發茵陳湯

茵陳梔子大黃

利之

身痛

脈緊而浮身熱痛太陽經病不堪在更兼中濕并風溫若是陰家脈帶沉

身痛者雖曰太陽表邪未解又有溫經發汗不同如

發熱惡寒頭疼身痛此太陽症也汗出則愈無汗麻

黃

麻黃桂枝杏仁甘

有汗桂枝湯

桂枝芍藥甘草

三時沖和湯

九味

羌活細蒼芍羌

防芷地芩甘同加減冲和湯吐利厥逆豎痛此少陰

症也溫之則愈四逆湯陰症吐利厥冷發熱骹痛霍

亂吐利骹痛此表裏俱寒也先溫裏四逆湯

附子草乾姜

後攻表桂枝湯蓄血症骹痛下盡黑物則愈桃仁承

氣湯

大黃桂枝桃甘硝

溫症骹痛利小便則愈五苓散加蒼

朮羌活汗後脉虛骹痛桂枝芍藥人參湯勞倦脉虛

骹痛補中益氣湯

補中益氣參芪升當歸柴胡木共陳

加蒼朮羌活血

虛發熱骹痛脉浮數無力四物湯中加黃相知母羌

經傳異本方不省下
活痰症骀痛二陳湯加蒼朮羌活身痛與身重有辯
身重不能轉側者下後血虛津液不榮于外也柴胡
龍骨牡蠣湯身痛不能轉側者風濕相搏子經而裏
無邪也桂枝附子湯桂枝附子湯大抵傷寒煩熱身痛
即是熱痛汗出則解無熱吐利身痛即是虛寒溫之
則愈不可悞也

身痒第九

身痒者謂太陽病未解面赤身痒者以不能得小汗

出也桂枝麻黃各半湯

注麻棗芍
杏甘姜

柴胡桂枝湯

柴芩
半夏

人參甘桂枝
芍藥姜棗煎

陽明病及無汗皮中如虫行以久虛也

木附湯

白朮甘附
姜大棗

黃芪建中湯風熱甚身痒發熱無

汗口燥舌乾大小便秘澀防風通聖散

防風通聖抱
芩條朮使梔

麻薄葉飄國老芎歸荆
滑石將軍芒走芍膏翹

加羌活主之風症身痒小續

命湯去附子血虛身痒四物湯加浮萍蒺藜防風爲

主

身振第十

身振者謂傷寒汗吐下後氣血俱虛不能榮養筋骨

其身不能主持故振動也須用人參養榮湯

參芪苓芍歸熟

地白木遠志陳五味

大補氣血太陽汗後頭眩心悸身瞤動振

振欲擗地者真武湯

附芍茯苓姜

戰慄第十二

戰慄者陰陽相爭故身為之戰搖也邪氣外與正氣爭則為戰邪氣內與正氣爭則為慄戰者正氣勝邪故有得汗而解者慄則不戰而但鼓頷邪氣勝正遂

成寒逆矣宜姜附四逆湯 經云陰中于邪必內慄

而戰邪在上焦陰氣爲慄足膝逆冷便溺妄出皆此類也 病有戰而汗出因得解者蓋其脉浮而緊按

之反芤此爲本虛故當戰而汗出解也若脉浮數按

之不芤此人本不虛若欲自解但汗出不發戰也又

有不戰不汗出而解者其脉自微此以曾經發汗若

吐若下若亡血以內無津液此陰陽自和必自愈故

不戰不汗出而解也 有表寒而戰慄者經所謂寒

之所申使人毫毛畢直鼓頰是也當發汗自愈凡戰者正氣勝邪邪欲解也故戰也發熱大汗出而解矣若正氣不能勝邪雖戰無汗爲難治若得半日或至夜有汗者亦爲解也凡小柴胡症而以他藥下之柴胡症不罷而仍在者復以小柴胡湯服之此不爲逆服湯良久蒸蒸而發振寒熱汗出而解也若不發戰而心慄者此陰中于邪必內慄也凡正氣怯弱寒邪在內必爲慄邪氣勝正故爲重也 又有傷寒厥陰

逆至六七日脉得微緩微浮爲有脾胃脉也故知脾氣不再受尅邪無所容否極泰未營衛將復水升火降則寒熱作而大汗解矣

暈惕第十二

內暈筋惕者非常常有之陽氣者精則養神柔則養筋發汗過多津液涸少陽氣偏枯筋肉失所養故惕惕然動暈暈然跳而非溫經助陽何能愈乎故設眞武湯以救之

附芍藥
木姜

因汗吐下後表裏俱虛有此症

者逆之甚也或傷風自汗妄用大青龍通用真武湯

伏芍附木姜

羸者去芍藥有熱者去附子

應發汗而腹

中左右有動氣者並不可汗汗之則肉羸筋惕或頭
眩汗出不止其候最逆先用防風白朮牡蠣湯次用
小建中湯十救一二心下逆滿氣上冲胸起則頭眩
脉沉繫身振搖者伏苓桂枝白朮甘草湯久而成痿
者通用有不因汗過多而羸惕者此緣血少邪熱乘
于六脉之中使之羸惕也並用真武湯人參養榮湯

傷寒口唇下頷顫動者熱在手足陽明二經分也脉

虛者人參三白湯加麥冬五味先生其脉次用竹葉

石羔湯

人參甘草麥門冬
石羔知半竹葉同

脉洪大燥渴者人參白虎

湯知梗羔半
與人參

大抵此症不解昏沉逆冷者多不救也

肉苛第十三

肉苛者雖着衣絮猶尚苛也傷寒汗多亡血乃變此
症蓋營虛而衛實血氣不得和通肌肉失所養故頑
痺不仁痛癢不知也冲和湯加桂枝當歸木香主之

四肢疼四肢沉重四肢不收第十四

四肢疼下利厥逆惡寒脉沉弱四逆湯回陽急救湯

少陰症四肢沉重疼痛噉咯小便不利或自下利而

咳真武湯

附芍 茯苓 木姜

溫經益元湯

參 芪 苓 朮 草 芍 陳 當 歸 肉 桂 地 黃 增

唇

黑有瘡或如傷寒忽忽喜眠羌活蒼朮湯風溫症

四肢不收默默欲眠頭疼身熱自汗鼾重而喘萎蕤

湯

萎 蕤 羔 菖 薇 麻 羌 芎 杏 生 姜 青 木 香

羌活蒼朮湯

其 氣 寒 風 竹 葉

傷寒汗出露風汗不流通遂變經脈挛急手足搐搦

用牛旁散

麻黃牛旁
南星膝

治之

癩癱第十六

癩癱者癩則急而縮癱則緩而伸熱則生風風主乎
動故筋脈相引而伸縮傷寒汗下後多日傳變得此
症者爲病極因虛極生風用小續命加減若不因汗
所生者當平肝木降心火作以和血之劑用羌防荆
連柴芍歸地川芎天麻之類若兼痰者加南星半夏

續傷吳補子石卷一
姜汁竹瀝如風邪急搐須兼全蝎僵蚕汗下後變此
者多死加忌灸與發汗

厥逆第十七

陰厥脈沉兼細弱尼多拳臥惡寒
過陽厥脈帶實滑頭疼惡熱瓜豉和

厥逆者謂陰陽氣不相順接便爲厥七有二症有陰
厥有陽厥陽厥者熱極尖下血氣不通故發厥也仲
景謂熱深厥亦深熱微厥亦微也陰厥者陰經受邪
陽不足而陰有餘也大抵初病身熱至三四日後熱
氣方深大便秘小便赤或譫語煩躁昏曠及別有熱

症而反發厥者此陽經傳入而厥者也謂之陽厥陽厥當下宜清熱藥用甘寒苦寒鹹寒重則承氣湯大

渴白虎湯初病無熱不渴引衣勑臥或兼腹痛吐瀉

或戰慄向如刀刮口吐涎沫並無熱症而厥逆者此

直中陰經而厥者也謂之陰厥陰厥當溫輕則理中

湯

人參白朮
草乾姜

重則四逆湯凡二厥之脈皆沉但陽

厥脈沉而滑或沉而緊陰厥脈沉而遲或沉而弱又

陽厥指爪有時而溫陰厥則無時不冷也手足厥

冷不溫謂之四逆邪在表則手足熱邪在半表半裏則手足溫邪在少陰則手足逆冷與厥陰又相遠也厥而脈乍結者邪氣結在胸中也宜吐之厥而怔忡者有水氣也宜治水寒熱厥者有正汗也宜生脈補元臟厥者卽臟結也死不治

循衣摸床第十八

循衣摸床直視譫語脈弦者生脈濇者死小便利者可治不利者不可治謂津液枯竭也大抵陰陽二氣

俱絕則妄言撮空也若撮空者語無倫次大便秘結者此爲實熱承氣湯下之若因汗下後虛而撮空譫語逆冷脈小大便自利者此肝熱乘于肺金元氣虛不

能自主持名曰撮空症多難治升麻散火湯劫之

參麥

歸節甘芍陳柴
苓金飾伏煎吞

痰加姜汁半夏泄加升麻白木煨實

譫語發渴加大黃

發斑症第十九

發斑吐血成陽毒

發斑者熱則傷血血熱不散裏實表虛熱邪乘虛出

于皮膚而爲班也輕則如疹子重則如錦紋病本屬

陽悞投熱藥或當汗不汗當下不下或汗下未解皆

能致此東垣曰有下之早而發者下之太早熱氣乘虛入胃故發班

有下之遲而發者下之太遲熱留胃中故亦發班有胃熱胃爛而發者

然得之雖殊大抵由少陰心火入太陰肺金故紅點

如班生于皮毛之間耳凡看班先將紅紙燃燈照

看病人面部胸膛背心四肢有紅點者乃發班也若

大紅點發于皮膚之上謂之班小紅點行于皮膚之

中謂之疹疹輕而斑重也斑之初崩與蚊跡相類發
斑多見于胸腹蚊跡只見于手足陽脈洪大病人昏
潰先紅後赤者此爲斑也脈不洪大病人自靜先紅
後黃者蚊跡也其或大便自利或短氣煖尿不通黑
斑如菓實蠶者盧醫不能施其巧矣凡斑色紅赤
爲胃熱紫赤爲熱甚紫黑爲胃爛故曰赤斑出五死
五生黑斑出十死一生大抵鮮紅稀朗者吉雖大亦
不妨但忌發如針頭稠密成片紫黑者難治雜黑爛

陷者死也凡斑欲出未出之際且與升麻湯

升麻燉黃蘗甘

草山梔當歸同川椒

先透其毒不可驟用寒涼之藥以傷胃氣

也但發出者不可再發耳

班不可汗汗之則增加

班爛不可下下之則班毒內陷又宜避香臭恐觸其

班也凡治班必察病人元氣虛實脈來有力無力

爲主若脈微者元氣虛弱參胡白湯

參胡伏苓木同煎

察班欲出未透者升麻葛根湯

升麻葛根赤芍甘

如胃弱以

四君子合之名升君湯如班不透加紅花有表症者

加味羌活散

羌獨活吉柴前胡
芎甘參羌伏苓和

加升麻芍藥紅花佐

之斑出熱甚煩渴者人參化斑湯

知梗羔甘
與人參

斑出心

煩大熱錯語呻吟不眠者犀角解毒湯

犀角大青升
參芎連甘

相梔
子仁

斑出嘔逆者黃連解毒湯

芎連黃蘗
與梔子

加陳皮生

姜班出咽痛者犀角解毒飲

犀防荆犀
同甘草

咽痛倍甘草

加桔梗玄參連翹薄荷內熱加芩連斑盛加大青或

玄參升麻湯

玄參升麻
甘草煎

斑出喘嗽不止者小柴胡合

白虎加貝母瓜蒌若消斑毒犀角玄參湯

梔升柏連
梔薄荷芎翹

通傷寒和方石卷二

羌活 桂枝 共玄參

大青四物湯

大青 阿膠 甘草 豆豉

若斑勢稍退譫語潮

熱便結者大柴胡湯甚者調胃承氣湯

大黃 甘草 枳實 芍藥

濕

毒發斑者冬時觸寒至春而發汗下不解邪氣不散

故發斑也熱病發斑者冬時溫煖乖戾遇春暄熱而

發也慎不可發汗汗之重令開泄更增斑爛也又陽

毒發斑如錦紋狂顛妄言面赤咽痛

芩連大黃 黑奴 與石羔

尤便實燥渴者調胃承氣湯時氣發斑大青四物湯

大青 阿膠 甘豆豉

猪胆雞子湯

猪胆 苦酒 與雞子

有陰症發斑者亦

出胸背手足但希少而淡紅色也其人元氣素虛先
因慾事內傷胃經或悞服涼藥太過遂成陰症伏寒
于下逼其無根失守之火聚于胸中上而薰肺傳于

皮膚而發斑也用理中湯

人參白朮
草乾姜

加芍藥若寒熱

脈微者大建中湯

熟地當歸與伏苓黃芪白朮肉桂
芍藥半夏共人參甘草冬朮

桂子則其真陽回陰火降此治本不治標也 有內傷

寒發斑者因夏月傷暑飲食寒涼之物并臥涼處內
外皆寒逼其虛火浮遊于外而發斑也脈沉瀼無大

熱鼻中微血者雖甚暑屬陰寒調中湯

陳只蒼甘吉
壳芎桂麻羌

半藿若夾暑加香薷扁豆此汗不解足冷耳聾煩悶

咳嗽嘔吐便是發斑之候維病發斑屬風熱扶痰而

作自裏而達于外通聖散

羌歸麻芍薄荷翹芎
梔吉滑羔甘木荆

消息治

之當以微汗散之切不可下戴元禮曰班有色點而

無頭粒者疹浮小有頭粒者隨出卽收收則又出是

也非若斑之無頭粒者當明辨之 疹疹者肺胃二

經之夾熱發而爲疹者也小兒居多大人亦時有之

其症類多咳嗽多嚏眼中如淚多痰多熱多喘多煩
悶多泄瀉甚則踈亂神昏咽痛唇焦是其候也最忌
酸收惟宜發散誤施溫補禍不旋踵 痧疹初發必
咳嗽慎勿正嗽多喘慎勿定喘多嘔吐慎勿治嘔吐
多泄瀉慎勿止泄瀉只須清解邪熱而諸症自退矣

發黃第二十

發黃者溫熱交并民多病痺痺者單陽而無陰也太
陰脾土濕熱所蒸色見于外必發黃濕氣勝則如薰

黃面晦熱氣勝則如橘黃而明傷寒發黃熱勢已極

大抵與蓄血相類但小便不利大便實者為發黃小

便自利其人如狂大便黑者為蓄血陽明病發熱汗

出此為熱越不能發黃也但頭汗出劑頸而還身無

汗小便不利渴欲飲水漿者此為瘀熱在裏身必發

黃茵陳湯茵陳梔子
與大黃茵陳梔子之苦寒以逐胃燥大

黃之苦寒以下瘀血傷寒七八日身黃如橘子色小

便不利腹微滿者茵陳湯主之傷寒身黃發熱者梔

子葉皮湯

梔子葉皮與甘草

傷寒痰熱在裏身必發黃麻黃

連翹赤小豆湯

麻黃赤小其連翹梓皮甘草杏仁

濕熱發黃者一身

盡痛發熱身色如薰黃小便不利者五苓散加茵陳

大便不利者茵陳湯寒溫發黃者身上疼痛發熱面

黃而喘頭疼鼻塞而煩其脉大自能飲食腹中和無

病病在頭中寒溫故鼻塞納藥鼻中則愈

以瓜蒂散內鼻中宣

洩頭中寒濕黃水出而自愈也

痞氣發黃者瀉心湯

半夏黃芩乾姜參黃連甘草一

同加茵陳痞消黃自退也一結胸發黃者大陷胸湯

與大黃黃連芒硝

加茵陳結去黃柏退也

蓄血發黃者輕

則犀角地黄湯

犀角生地芍丹皮

重則桃仁承氣湯

大黃佳枝桃甘

硝血下黃自退也肉傷寒發黃者其人脾胃素虛或

食寒涼生冷之物寒食結搏停泄不散而發黃也或

嘔吐或腹痛或自利小便短少者調中湯加茵陳加

治中湯

姜木青陳草共參芍歸杏麴連砂仁

加枳實茵陳草萊王之逆

冷脉沉加附子温之而愈也陰虛發黃者逆冷脉沉

肉上粟起或氣促嘔悶舌上白胎而滑遍身發黃或

時煩蹠面赤或時欲坐臥泥水井中者此陰黃也理
中四逆加茵陳外用熱湯溫之或以湯盛盆中將病
人坐于上以布蘸熱湯搭其黃上乃愈 經云脉沉

滑欲飲水者必發黃陽明病無汗小便不利心中懊
懣者必發黃陽明被火額上微汗出小便不利者必
發黃大抵身熱無汗煩渴小便不利者必發黃也輕

用茵陳五苓散

五苓散內
加茵陳

重用茵陳湯

茵陳梔子
與大黃 凡

寸口無脉鼻出冷氣形如烟煤搖頭直視環口黎黑

柔汁發黃者此皆真臟絕也不治又黃貫五心者不
治東垣云本當發汗醫失汗之故生黃也雜病發黃
有五一曰黃汗二曰黃疸三曰穀疸四曰酒疸五曰
女勞疸原其所自來未有不由濕熱所致者亦有因
食積黃者量人虛實下其食積則愈但利小便爲先
小便利黃自退矣

發狂第二十一

煩躁狂言仍面赤熱潮咽痛號
重湯便于陽毒經中治葶藶升

麻乃

大黃

發黃者經所謂重陰者顛重陽者狂發狂者重陽而
狂熱毒并入于心遂使神不寧志不定也始得少臥
不安讖語妄笑甚則登高而歌棄衣而走踰垣上屋
罵詈叫喊不避親疎皆獨陽亢盛不大下之何能止

也仲淳曰如大便不結者大劑白虎灌之石羔四兩
麥冬二錢知母一兩五錢加大青二兩甘草七錢

蓄血如狂者熱在下焦也犀角地黃湯犀角生地
芍丹皮或

桃仁承氣湯大黃桂枝
桃甘硝火劫驚狂者亡陽也桂枝救

逆湯調辰砂未服之溫熱發狂者不得汗出也在表

者汗之在裏者下之半表半裏者和解之汗出者生

不得汗出者死陽毒發狂者脉洪大數實狂走錯語

面赤咽痛潮熱發斑如錦紋或下利赤黃者在五日

內可治七日不可治陽毒升麻湯

芩連大黃
與石膏

大便實

調胃承氣湯大抵陽毒即重陽也因有發斑咽痛故

曰毒陽厥怒病發狂者陽氣暴折鬱而多怒則發狂

也治以鐵落飲取以金制木之法又取鉄性沉重能

墜熱開厥也陰極發踈或虛陽伏陰而踈者霹靂散

熟附加參朮甘草
銀茶匙蜜麩煎好

或四逆湯

附子草
乾姜

暹而冷服之此

熱因寒用之義也

陽明欲作汗而狂者病人欲食

大便自調小便反不利骨節痛翁翁如有熱狀奄然

發狂澌然汗出而解此水不勝穀氣與汗併故發狂

脈緊者汗出而愈也若狂言直視使溺自遺與汗後

大熱脈躁狂言不能食者死也一切發狂奔走勢不

可遏者須于病人處生炭火一盆用醋一碗頓于火

上令醋氣冲入病人鼻內仍將姜汁噴于病人頭面

身體手足卽安方可察其陽狂陰躁用藥一切熱病發狂切不可掩閉床帳務用揭開放入爽氣良久隨用銅鏡按在心胸間熱勢稍退卽除若勢盛者將朴硝半斤研細水一盆用青布尺許三五塊浸于硝水中微絞半乾搭在胸膛背心上頻易冷者搭之如得唾汗出乃愈熱極舌出不收者麻黃湯洗淨將冰片牛黃麝香研末點舌上卽收 襍病顛狂多因痰結心胸間治當鎮心神開痰結亦有中邪者則以治邪

法治之如心經蓄血當清心除熱如痰迷心竅當下
痰寧志若顛哭呻吟爲邪所憑非狂也燒香紙酒水
調下方寸七卒狂言鬼語針大指甲下卽止

腹滿第二十二

腹滿者邪入太陰脾土也腹滿不減或按之硬而痛

者爲內實須下之大承氣湯

枳實芒硝
加大黃

腹滿時減或

按之可揉而軟者爲內虛須溫之理中湯

人參白朮
草乾姜

若表解內不消非大滿猶生寒熱亦未可下謂邪全

未入腑也若大滿大實大堅有燥屎雖日數少亦當

下之謂邪已入腑也太陽誤下因時腹滿而痛桂枝

人參湯痛甚者桂枝大黃湯桂芍棗甘
炙大黃陽明潮熱譫

語燥渴喘滿不下大便秘者大柴胡湯芩半柴芍
炙大黃甚者

調胃承氣湯大黃甘草
與芒硝噦而腹滿小便難者小柴胡

加伏苓湯三陽合病腹滿身重難以轉側譫語口中

不仁小柴胡湯有汗白虎湯太陰腹滿吐食食不下

枳實理中湯少陰咽乾腹滿不大便秘下之大承氣

湯下利腹滿身痛先溫理四逆湯

附子草

後解表桂

枝湯

桂枝赤芍
姜甘棗

汗後腹滿當溫厚朴半夏生姜人參

湯吐後滿當下少與調胃承氣湯下後腹滿臥起不

安者當吐之梔子豆豉湯大抵陽毒爲邪則腹滿

而咽乾陰寒爲邪則腹滿而吐利食不下若曾經汗

吐下後腹滿者治各不同也腹皮滿痛者脾不勝水

水與氣搏皮肉之間腹中漉漉有聲小半夏茯苓湯

凡傷寒腹滿多屬實熱雜病腹滿多屬虛寒間有膏

實傷寒補天石卷下

梁之人濕熱鬱于內而成脹滿者大抵寒脹多而熱
脹少也東垣曰天爲陽爲熱主運化也地爲陰爲濕
土長養也無陽則陰獨不能生化故曰臟寒生滿病
脾胃虛弱不能運化精微而制水穀聚而不散則
成脹滿宜以辛熱散之以苦泄之以淡滲利之經所
謂中滿者瀉之于內是也

腹痛第二十三

腹痛者邪氣與正氣相搏也陽邪傳裏而痛者其痛

不常當以辛溫之劑和之小建中湯

桂枝赤芍棗飴糖

陰寒

在裏而痛者則痛無休時嘗欲作利也當以熱劑和之附子理中湯有燥屎宿食而痛者則煩而不大便

腹滿而鞭痛當以苦寒之劑下之大承氣湯太陽誤

下腹痛桂枝加芍藥湯甚者桂枝加大黃湯陽明內

實腹痛三承氣湯少陽寒熱腹痛柴胡桂枝湯

柴胡半夏

人參甘桂枝芍藥姜棗煎

少陰下利清穀脈欲絕腹痛者通脈四

逆湯

附子草乾姜

兼小便不利真武湯

茯苓附未姜

實痛而閉

脉實者桂枝大黃湯少陰邪熱漸深四逆咳悸小便

不利泄利下重腹痛者四逆散

柴芍枳實
與甘草

胸中有熱

胃中有邪氣腹中痛欲嘔吐黃連湯

黃連甘草桂枝
參半夏加

木香傷寒四五日腹中痛轉氣下趨少腹者欲作利也

四逆湯大抵腹痛有虛有實有寒有熱又有血有食

當明辯之東垣曰中脘痛太陰也理中建中主之臍

腹痛少陰也四逆真武附子主之小腹痛厥陰也當

歸四逆主之雜病腹痛有五戴元禮曰綿七而痛

無增減者寒也時作時止者火也痛甚欲大便便去而痛減者食積也痛則小便不去痰也痛有常處而

不移者死血也隨所因而用藥無有不驗

玄胡索治小腹痛如神

霍亂第二十四

霍亂之脈利微洪微遲舌捲命須終下利厚洪大必死應知厚

少反爲從霍亂多緣熱惱

霍亂者內有所積外有所感清濁相干心腹俱痛吐利併作以致揮霍撩亂甚則轉筋入腹也凡吐利腹痛者謂之濕霍亂當審其寒熱而治之但腹痛不吐

利者謂之乾霍亂俗名絞腸痧此因所傷之邪不得
出擁塞正氣陰陽隔絕升降不通死在須臾急用皂
夾末麝香少許調鹽湯服隨用鷺翎探吐吐出所傷
之邪若無物吐出但用以升提其氣之橫格亦是良
法禁忌米飲入口卽死以穀氣反助邪氣也

用針痧
法亦得

經曰霍亂頭痛發熱身疼痛熱欲飲水者五苓散主

之

若中暑加香薷
扁豆乾薑黃連

寒之不欲飲水者理中丸主之

若

吐多加霍香半夏陳皮厚朴名藿理湯泄利多理中
合五苓散名理苓湯虛用參芪轉筋加水瓜

吐利汗出發熱惡寒四肢拘急手足厥冷者四逆湯

主之既吐且利小便復利而大汗出下利清穀內寒

外熱外熱為陽未絕猶可以四逆投之脈微欲絕者四逆湯主之吐

下後汗出而厥四肢拘急不解脈微欲絕者通脈四

逆加胆汁主之吐利止而身痛不休者當消息和解

其外桂枝湯小和之傷寒脈微澀者本是霍亂今以

傷寒四五日傳至陰經必利本嘔下利者不可治也

先霍亂裏氣大虛又寒邪再傳為吐利是重虛也故為不治似欲大便而反失氣

續傷寒補天石卷下

仍不利者屬陽明也便必鞭十三日愈所以然者經
盡故也邪在上焦吐而不利邪在下焦利而不吐
邪在中焦既吐且利

狐惑第二十五

狐惑失鑿皆虫症也蓋腹中有熟食久無多腸胃空
虛故三出求食而食入五臟也其候四肢沉重惡聞
食氣默默欲眠目不能閉齒齦面眉赤白黑變易無
常一二目閉舌白虫食下部爲狐下唇有瘡其咽乾

虫食其臟爲惑上唇有瘡其聲啞治屬通用桃仁湯

桃仁槐實

或黃連犀角湯

連犀烏梅其木香加苦參

雄黃硃散

雄黃

艾苦參

青箱艾苦參桃

仁艾汁入肛門

蛔厥第二十六

蛔厥屬厥陰病人素有寒妄發其汗或汗後身有熱

又復汗之以致胃中虛冷飢不欲食食即吐蛔輕者

吐小虫重者吐長虫其候舌乾口燥嘗欲冷水浸舌

不欲嚥蛔上煩燥昏亂欲死兩手脈沉遲足冷至膝

甚者連蛔并屎俱出大便不行此症雖出多端可救

治也先用理中安蛔湯

烏梅花椒與伏苓乾姜白朮共人參

次用烏梅

丸

梅辛姜連歸附椒桂枝人參黃蘗好

烏梅之酸以救肺氣人參之甘

以緩脾氣當歸桂椒細辛之辛以潤內寒姜附之辛
熱以勝寒連蘗之苦以安胃蓋虫得甘則動得酸則
靜得苦則安得辛辣則頭伏于下也又有胃中空虛
虫無所安反食其真臟之血病人心胸脇下有痛陣
必撮眉呻吟或時下血如豚肝色或如濕毒膿狀或

鮮血下利急迫或昏沉不省人事者一切吐蛔雖身
熱不可與涼劑服之必死俱用安蛔湯加減治之待
蛔定却以小柴胡退熱又有厥陰病消渴氣上冲心
飢不能食食卽吐蛔旣曰胃寒復有消渴之症蓋熱
在上焦而中焦下焦俱無熱而但寒矣若大便實理
中加大黃入蜜少許微利之食卽吐蛔者虫聞食臭
必出也乍靜乍煩蛔或上或下也凡上半月虫頭向
上易治下半月虫頭向下難治先用糖蜜肉汁引虫

頭向上然後用藥神效

臟厥第二十七

臟厥者謂傷寒脈微而厥至七八日膚冷其人躁無
暫安時此爲臟厥臟厥者死謂陽氣絕也宜金液丹
四逆湯救之

臟結第二十八

臟結者臟氣閉結而不復流也其症如結胸狀但飲
食如常時上下利舌上白胎者爲昇其脈寸浮關沉

葉痛引陰筋臍腹脹痛者難治也刺關元穴灸之亦可宜茱萸四逆湯吳萸歸芍桂枝辛寒甚加附子脇下素有痞氣者多犯此症

除中第二十九

除中者謂傷寒厥利多不能食今反能食者此爲除中言中氣已除去也死不治若食以索餅不發熱者知胃氣尚在必愈胃氣欲絕得麩則發熱若不發熱胃氣尚在也恐暴熱來出而復去也因暴熱來而復去使之能食非除中也

動氣第三十

動氣者臟氣不調築築然動隨所主而形見于臍之

上下左右也其人先有痞氣後感于寒醫人不知妄

施汗下吐法致動其氣故曰動氣通用理中湯

人參
白朮

甘草
乾姜

去朮加桂一法用柴胡桂枝湯二方當辯其有

熱無熱治之動氣在左發汗則頭眩汗不止筋惕肉

瞤爲逆先用防風白朮牡蠣湯汗止小建中湯動氣

在右發汗則衄而渴心苦煩欬則吐先用五苓散次

服竹葉石膏湯

人參甘草麥門冬石膏知半竹苓

動氣在上發汗則

氣上衝心李根湯

半歸伏芍苓甘草桂枝白皮李根好

動氣在下發汗

則心中大煩骨節疼痛目暈食入即吐先用大橘皮

湯人參陳皮

後用小建中湯

桂枝赤芍棗飴糖

動氣在左下

之則腹滿拘急身雖熱反欲蹠先用甘草乾姜湯

乾姜

與甘草

次用小建中湯動氣在右下之則津液枯竭咽

乾鼻燥頭眩心悸竹葉石膏湯動氣在上下之則腹

滿清穀心痞頭眩甘草瀉心湯脾爲中州以行津液

妄施汗下必先動脾氣左右上下尚不宜汗下况中
州之氣敢輕動之乎然則當臍動氣可不言而喻也

奔豚第三十一

奔豚者眞氣內虛水結不散氣與之搏卽發奔豚以
其氣動衝突如江豚之狀也不宜汗下用理中湯

人參

白朮草
乾姜

去白朮加桂苓蓋白朮燉腎閉氣故去之桂

枝能泄奔豚伏苓能伐腎邪故加之又煎用甘爛水
取其力薄不助腎邪也

小腹痛滿第三十二

小腹痛者臍下滿也若胸滿心下滿腹中滿皆爲邪
氣而非物今小腹痛則爲有物而非氣若小便利者
則爲蓄血之症小便不利則爲溺澀之症宜用滲利
之劑治分兩途若太陽病六七日不解熱結膀胱其
人如狂小腹痛急滿結痛者桃仁承氣湯
大黃桂枝
桃甘硝甘
以緩之辛以散之小腹痛急結緩以桃仁之甘下焦蓄
血散以桂枝之辛熱寒以取之熱甚搏血故加二味

于調胃承氣湯中也或抵當湯

水蛭桃仁
壺大黃

苦走血醜

勝血蝨虫水蛭之醜緒以除蓄血甘緩結苦瀉熱桃

仁六黃之甘若以下結熱下盡黑物則愈若表症在

脉微沉小腹滿小水不利者五苓散利之小便清白

爲愈如病人素有痞氣連于臍腹痛引陰經名臟結

死也陰陽易小腹痛燒混散病人手足厥冷真武

湯

附芍伏
木姜

若不結胸小腹痛按之痛者此冷結膀胱

宜灸關元穴爲主

蓄血第三十三

蓄血者瘀血蓄結于內也或當汗不汗或不當汗而

汗皆能致此也大要熱能燧血故血不流行而蓄結

于內耳凡傷寒有熱小腹鞭滿小便反利者蓄血

症也甚者喜怒如狂屎黑身黃通用抵當丸桃仁承

氣湯主之若有外症不解者先用桂枝湯解外後用

桃仁承氣湯大黃桂枝桃甘硝下盡瘀血爲愈上焦蓄血胸

中手不可近而痛者犀角地黃湯犀角生地芍丹皮中焦蓄

血中腕手不可近而痛者桃仁承氣湯下焦蓄血小
腹手不可近而痛者抵當湯 經曰病人無表裏症發
熱七八日雖脉浮數者可下假令已下脉數不解合
熱則消穀善飢至六七日不大便者有瘀血宜抵當
湯若脉數不解而下不止必協熱而便膿血也

囊縮第三十四

囊縮之症有二陽症囊縮者因熱極而縮蓋熱則熾
然故也宜急下大承氣湯陰症囊縮者因寒極而縮

蓋寒則收引故也宜急溫茱萸四逆湯再灸關元氣
海丹田及蒸熨法神效歸人亦有囊縮可驗但見乳
頭縮者卽是也凡舌卷囊縮爲難治若陰陽易卯
入復舌吐出者死也

遺尿第三十五

遺尿者小便自出而不知也內經曰膀胱不利爲癃
不約爲遺溺又曰水泉不止者膀胱不臧也腎與膀
胱表裏俱虛則膀胱之氣不約故遺尿也大抵熱甚

神昏遺尿者可治陰症下寒逆冷遺尿者不易治三
 陽合病腹滿身重面垢遺尿者白虎湯若陰氣為慄
 足膝逆冷便溺妄出者四逆湯汗下後熱不解陰虛
 火動而遺尿者人參三白湯加柏母歸地麥冬五味
 主之又有肺金虛嗽便遺溺者則以補肺為主若直
 視狂言遺尿者腎絕也死不治

小便數第三十六

小便數者頻欲小便而不多也腎與膀胱虛而協熱

熱則水道澁澁則小便不利故澁淋而數也太陽病

小便自利以飲水多心下浮伏苓桂枝甘草湯

伏苓桂枝

甘草姜半夏代赭大棗嘗

太陽自汗四肢拘急心煩微惡寒脚挛

急小便數雖有表症不可用桂枝謂亡陽走津液也

若慢服桂枝湯得厥者甘草乾姜湯或甘草芍藥湯

甘草芍藥生地黄

太陽病吐下發汗後微煩小便數大便鞭

者小承氣和之若不因吐下發汗小便數大便鞭無

滿實者雖不更衣十日無所苦也候津液還入胃中

小便數少大便必自出也脉浮數自汗小便數胃不

和讜語者少與承氣湯小便數大便難者名脾約用

脾約丸麻芍大黃與枳實厚朴杏仁蜜丸又有腎虛小便數者清心

蓮子飲黃芩芪骨與人參車前甘麥蓮伏苓加黃柏知母主之或滋陰

益氣湯參芪歸朮甘陳升知冬柴栢車地燈服之

小便自利第二十七

小便自利者津液滲漏大便必鞭以大柴胡微下之

若陽明自汗復發其汗致津液內竭而小便反利尿

雖鞭猶不可攻宜蜜導之太陰當發身黃小便自利者則濕熱內泄不能發黃惟蓄血症則腹急而如狂腎與膀胱虛則不能約制水液此二者皆令小便自利也凡蓄血桃仁承氣湯陰寒四逆湯尿血延胡索

湯

延胡
朴硝

主之

小便不利第三十八

小便不利者邪氣聚與下焦結而不散甚則小腹鞭滿而痛也大抵有所不利者行之使其滲泄也若引

飲過多下焦蓄熱或中濕發黃水飲停滯皆以利小便爲先惟汗後亡津液則以利小便爲戒設或小便不利但見頭汗出者乃爲陽脫關格病也太陽經發熱脈浮無汗煩渴小便不利五苓散若自汗多不可用也若引飲過多小便不利下焦蓄血脈浮五苓散脈沉猪苓湯若太陽身黃脈沉結小腹滿小便不利者爲蓄血茵陳五苓散甚者茵陳湯陽明病發潮熱汗多者小便固少不可利恐胃汁乾也若利之必喘

渴而死脉洪大舌乾口燥飲水不止者人參白虎湯
若大便秘難乍易小便不利而熱者此有燥屎也調
胃承氣湯下之若頭汗出壯熱渴飲水漿小便不利
及陽明無汗心中懊憹小便不利此二者必發黃茵
陳湯加木香滑石去大黃大便不通加大黃下之少
陽症發熱口苦咽乾或嘔或心下悸胸脇滿小便不
利脉弦數者小柴胡去芩加伏苓口渴加竹葉麥冬
天花粉去半夏太陰腹滿自利若小便不利無熱脉

沉者理中合五苓散加厚朴木通分利其小便大便
自止也少陰四五日小便不利四肢沉重大便自利
者真武湯若四肢冷或咳或悸小便不利或泄利下
重者四逆散加熟附爲主厥陰寒閉厥冷脉伏囊縮
入腹小便不利四逆湯加通草茯苓茺當歸再灸
關元丹田氣海兼熨法甚良凡治風溫風濕小水不
利者詳見本條陰虛火動小便赤澀不利者四苓散
加木香滑石生地黃栢知母若內熱甚大便不通小

小便赤澁不利者八正散若不渴小便不利者熱在血分也四苓散加黃柏知母生地當歸木通白芍主之膀胱爲津液之府氣化而能出也若有汗多者

津液外泄小便固少不可利恐重傷津液也待汗止

小便自行矣凡小便自利不可妄利恐引熱入膀胱

則變蓄血症也寒泄小便不通者乾姜附子湯

乾姜附子

白朮能作小便也若用姜附未三味必內加茯苓以

分之爲要姜附生用而不炮無火力則熱不上行兼

以水子煎少則熱入于下焦也入雜病小便不利爲

關格乃邪熱爲病也分在氣在血而治之以渴與不

渴而辯之如渴而小便不利者熱在上焦氣分宜清

肺飲

伏木瀉猪珀通甘
瞿滑薄荷扁蓄煎

不渴而小便不利者熱在下

焦血分宜滋陰化氣湯

知栝通地甘草陳
木香歸身共灯心

熱在氣血

之分小便不利者清心蓮子飲

黃芩芪骨與人參
車前麥甘蓮伏苓若

兼大便不通者八正散凡小便不利者先將麝香

半分填于臍中上用葱白田螺搗成餅封之外用布

帶縛住良久再用皂夾燒烟薰入陰中或用皂夾煎湯薰洗陰處小水自通矣

小便難第三十九

小便難者膀胱受熱故小便赤澁而不流利也凡小便少者雖不次便五六日未可攻也以其先鞭後澹不定也攻之必澹須小便利燥定鞭乃可攻之也

不大便第四十

不大便者因發汗利小便過多耗損津液以致腸胃

乾燥故也凡熱邪傳裏比症最多惟見發渴讖語脉
實狂妄潮熱自汗小便赤或心腹脹滿鞭痛急用三
承氣湯選而用之大便通而熱愈矣倘脉浮或虛舌
上白胎表症尚在或帶嘔者邪未全入腑猶在半表
裏間小便清白者邪不在裏仍在表也不轉屎氣者
內無燥屎也俱不可下用小柴胡和之如大便鞭實
不得不下者當以大柴胡下之若陽明汗多或已經
發汗利小便而大便不通者此津液枯竭宜蜜凜之

經曰其脉浮而數能食不大便者此爲實名曰陽結

期十七日當劇其脉沉而遲不能食身體重大便反

鞭名曰陰結期十四日當劇陽結芍半柴

黃陰結麻仁四物湯四物湯內加外用蜜導法若嘔

金用液丹經曰傷寒五六日頭上汗出微惡寒手足冷

心下滿口不欲食大便鞭脉細者此爲陽微結便結

結頭汗惡寒外帶表症熱結猶淺故曰陽微結爲陽

爲陰脉陰不得有汗今頭汗出故知非少陰也細小

柴胡湯柴芍半夏設不了了者得屎而解經曰跌

賣易寒補天石卷下

四

陽脉浮而濇浮則胃氣強濇則小便數浮濇相搏大便則難其脾爲約麻仁丸主之凡大便鞭者當問其小便日幾行若本小便日三四行今日再行故知大便不久出也蓋小便數少津液必還入胃中故知不久必大便也傷寒五六日不大便身熱煩渴者雖有頭疼亦當下之蓋此症頭疼乃因大便燥結不通邪熱之氣上攻于頭而痛也凡因風寒邪從外入或因七情火自內起此是濕熱鬱燄結有時乃爲實

也實則宜蕩滌腸胃鬲結軟堅如承氣湯之類是也
若因病久飲食少進或因年高將息失宜此是血液

枯竭燥結無時乃爲血虛也虛則宜滋養陰虛潤燥

散熱宜用潤燥湯

生熟地歸升麻軍
紅紅花麻子仁

主之有血燥不

大便秘者潤燥湯主之又有氣滯不大便者又有食傷

太陰腹滿不大便者東垣所謂實秘者物虛秘者氣

也實秘者能飲食小便赤麻仁丸主之胃虛而秘者

不能飲食小便清厚朴湯主之

厚朴姜製木陳皮
枳實半草姜棗增又

有風燥不大便者活血潤燥

歸精羌活與大黃
皂角燒性桃麻防主

之

太陰自利第四十一

傷寒下利多因于熱熱邪傳裏裏虛協熱則爲下利
三陽下利身熱太陰下利手足溫少陰厥陰下利身
涼無熱此其大槩耳凡自利清穀不渴小便色白微
寒厥冷惡寒脉沉遲無力此皆寒症也若渴欲飲水
溺色如常泄下赤黃發熱後重此皆熱症也寒者理

中四逆湯熱者柴芩湯寒因直中陰經熱因風邪入
胃木來侮土故令暴下或溫或攻或固不焦或利小
便隨症施治但不宜發汗耳若汗之邪氣內攻復泄
其津液胃氣轉虛必成腹滿也當先治利利止則內
實正氣得復邪氣自解則微汗出而愈矣太陽陽明
合病下利目痛鼻乾脉浮長者葛根湯蓋邪氣併于
陽陽實陰虛故下利也葛根湯以去表邪則陽不實
而陰氣自平利不治而自止矣太陽少陽合病下利

頭痛胸滿乾嘔往來寒熱脉長大而弦此爲負長大
不弦爲順大承氣下之滑而數爲有宿食亦從下之
太陽病下之利遂不止脉伊者表未解也喘而汗出
者葛根芩連湯太陽病數下之遂協熱而利利下不
止心下鞭痞表裏不解者桂枝人參湯傷寒服湯藥
下利不止心下痞鞭服瀉心湯

半夏黃芩乾姜參
黃連甘草一同增

復以他藥下之利不止醫以理中與之利益甚埋中
者理中焦此利在下焦赤石脂禹餘糧湯主之復利

不止者當利其小便太陰自利不渴以臟有寒也四逆湯理中湯朮附湯太陰當發身黃若小便自利利者不能發黃至七八日雖暴煩下利日十餘行必自止以胃家實腐穢當去故也少陰自利而渴者虛故引水自救也若小便色白者下焦虛寒不能制水也附子湯少陰欬而不利讖語者被火劫故也小便必難以強責少陰汗也救逆湯少陰病脈緊至七八日自下利脈暴微手足反溫脈緊反去者爲欲解也難

煩下利必自愈

下利脉微者寒氣得泄也手足反濕脉緊反去者陽氣得復也故爲欲解

少陰下利咽痛胸滿心煩猪膚湯少陰下利脉微者

白通湯

乾姜附子葱白木

利不止厥逆無脉乾嘔煩者白通

加猪胆汁湯少陰下利腹痛小便不利四肢沉重者

此爲有水氣也真武湯

茯苓附子木姜

少陰下利清穀裡寒

外熱手足厥冷脉微欲絕身反不惡寒面赤者通脉

四逆湯

附子草乾姜

少陰四逆泄利下重者四逆散凡泄

利下重者下焦氣滯也加薤白以泄氣滯少陰下利

咳而嘔渴心煩不得眠者猪苓湯少陰下利清水色
青心下痛口乾燥者急下之大承氣湯若少陰下利
惡寒身倦手足逆冷者不治少陰吐利煩躁不得臥
寐者死 凡厥陰傷寒先厥後熱而利者必自止再
厥者必復利也凡厥而利者當不能食今反能食爲
除中脈不出者死大汗出熱不去內拘急四肢冷又
下利厥逆惡寒者四逆湯下利有微熱而渴脈弱者
會自愈 微熱渴裡氣方溫也 下利脈數有微熱汗出

脈弱陽氣得復故愈

脈弱陽氣得復故愈

者令自愈

下利陰病也脈數陽脈也陰病見陽脈者生微熱汗出陽氣得通也自故愈

設

脈緊者爲未解也下利寸脈浮數尺脈自濇者必清
膿血下利清穀不可攻表汗出必脹滿下利脈沉弦
者下重也脈大者爲未止脈微弱者爲欲自止雖
發熱不死下利脈沉遲面少赤身微熱下利清穀者
必鬱冒汗出而解下利脈沉數而渴者令自愈設不
瘥必清膿血以有熱故也下利腹脹滿身疼痛者先
溫裏乃攻表溫裡四逆湯攻表桂枝湯下利下重欲

飲水漿者以有熱故也白頭翁湯

白頭翁栢
連秦皮

下利譏

語者有燥屎也小承氣湯

枳實厚朴
與大黃

下後更煩按之

心下濡者爲虛煩也梔子豉湯若傷寒發熱下利厥
逆膝不得臥者死傷寒發熱下利至甚厥不止者死
傷寒六七日不利便發熱而利其人汗出不止者死
有陰無陽故也發熱而厥七日下利者爲難治傷寒
大下後吐膿血泄利不止者爲難治下利手足厥冷
無脈者灸之不溫若脈不還反爲喘者死傷寒下利

日十餘行脉反實者死下利三部脉皆平心下硬者邪甚也急下之下利脉遲而滑者內實也當下之下利不欲食者有宿食也當下之下利瘥後期年復發者病不盡也若下利脉大者虛也強下之故也設脉浮革腸鳴者當歸四逆湯下利脉弱口乾發熱者人參白朮散

藿木 苓 甘 棗 木 香
人參 乾 薑 與 生 姜

戴元禮曰瀉水而腹不

痛者屬溫飲食入胃完穀不化者屬氣虛瀉水腹痛腸鳴者屬火或瀉或不瀉或多或少者屬痰腹痛甚

而瀉瀉後痛減者是食積也濕火寒虛痰食六症既
明三虛亦不可不察三虛者何脾腎虛虛肝虛也脾
虛者飲食傷脾不能運化腎虛者色慾傷腎不能閉

藏肝虛者忿怒傷肝木剋土三者皆令泄瀉然腎

瀉肝瀉間有而脾瀉恒多耳腎泄者腎火不升水穀

不化黎明溏泄用四神丸

破故紙四兩肉豆蔻五味子各一兩或去茱萸五味

加木香小茴香各一兩

加人參蓮肉肝泄者肝經受寒面色青

慘厥而泄利用當歸厚朴湯

當歸厚朴桂枝良姜經曰腎司閉

藏肝司踈泄故腎爲二便之門戶肝又門戶約束之
具肝腎失職則泄瀉也又肝者脾之賊肝經旺虛邪
盛木能尅土亦作泄瀉

便膿血第四十二

舊積爲膿新積爲血血得熱必妄行若陽症內熱則
下鮮紅之血陰症內熱則下紫黑成塊或如猪胆狀
陽症則脉數數而有力爲實熱用苦寒之藥數而無
力爲虛熱不可用寒藥須補血內少佐寒藥可也陰

症則脉遲遲而有力爲有神可治遲而無力爲無神
難治凡下利膿血身涼脉小爲易治身熱脉大爲難
治若大而和亦可治也節庵曰挾血之脉乍瀋乍數
或沉或伏血熱交併則脉洪盛大抵男多于左手女
多于右手見之太陽蓄血如狂桃仁承氣湯陽明下
血讖語小柴胡加生地丹皮湯血不止加地榆黃連
有瘀血加紅花桃仁少陰下利膿血桃花湯
赤石乾
姜與粳
米凡腹滿身熱下如魚腦者曰濕毒桃花湯或地榆

黃連阿膠湯又有陰寒爲病下利便膿血者當歸附

子湯

歸附芍芎膠榆姜
草脂梅熟地生薑

桂附六合湯

熟地當歸白芍
芎官附爲主

傷風泄瀉帶清血者胃風湯

人參伏苓當歸芍
官桂白朮芍藥同

傷寒

協熱利與痢疾不同王執中曰暑氣傷肺大火西流

傳入陽明金爲火逼鬱成膿血兼之飲食不節內傷

脾胃足陽明與手陽明手太陰合病痢疾之症作矣

若傷寒協熱利者非暑毒下流也傷寒邪未入腑醫

者下之太早或以丸藥下之不能徹其邪熱故邪氣

乘虛而入流入腸胃由是膿血不禁協熱之痢作矣
其病源不同有如此也是以痢疾以黃芩芍藥爲主
加之大黃以徹其邪通因通用之義也其有餘邪未
盡者隨其氣血而調之或以白朮或以當歸無非以
木香黃連檳榔厚朴爲主久則以木通澤瀉滲之升
麻防風舉之四君四物湯補之調其氣血之滯養其
肺金之燥救其脾胃之虛斯已矣傷寒協熱痢者則
當隨症而悉以寒藥治之有燥屎者逐之以承氣湯

無煖屎者和之以三黃解毒湯小便不利者柴胡湯
熱利下重者白頭翁湯下焦虛脫者赤石脂禹餘糧
湯少陰裏寒者桃花湯固無參朮之當補亦無木香
檳榔之可和也凡赤痢自小腸來白痢自大腸來皆
濕熱爲本濕熱瘀積干犯于血分則赤干犯于氣分
則白黃者食積綠者屬濕血虛則裡急氣滯則後重
劉河間云行血則便自安調氣則後重自除初治先
須推蕩此通因通用法凡壯實初病宜下虛弱衰老

久病者不可下宜升之下痢純血者如塵腐色者如
屋漏者如竹筒者唇如朱紅者俱死如魚腦者身熱
脉大者俱半死半生脉沉小留連者生數疾且大有
熱者死嚴氏云脉宜滑大若弦急者死先水瀉後膿
血此脾傳腎賦邪難愈先膿血後水瀉此腎傳脾微
邪易愈噤口痢胃熱甚故也用黃連人參煎汁終日
飲之如吐再飲但得一飲下咽便可治也

百合病第四十三

百合者百脉一宗舉皆受病無復經絡傳次也大病
虛勞之後臟腑不平變成此症似寒無寒似熱無熱
欲食不食欲飲不飲欲坐不坐欲行不行口苦便赤
藥入卽吐利其脉微數每尿則頭痛者六十日愈不
頭痛但洒淅惡寒者四十日愈若尿時快然頭眩者
二十日愈若惡寒嘔者病在上焦二十三日愈若腹
滿微喘大便堅三四日一行好微溏者病在中焦六
十三日愈若小便淋瀝難者病在下焦三十三日愈

並宜柴胡百合湯

柴芩參甘與知母
百合生地陳姜棗

主治之汗後

百合知母湯

百合與知母

下後更

發百合代

赭湯

百合

與代

吐後更發百合雞子湯

七個以泉水浸

汁入雞子黃一

故

濕服

續傷寒補天石卷下終